

不得出又行不善者空受人身如採藥雪山而收毒草是為極愚如是以十善道乃得人身但不行善尚為大失况起惡業又行不善者雖自愛身而實不自愛雖自護身實非自護以起自惱業因緣故又是人遇身猶如怨賊自令苦故又若行不善則自賊其身况他

西九

十八末

人耶又行不善業今雖不現果報則著是故雖少亦不可不信如毒雖少亦能害人如債雖少漸漸滋息又為惡於人人常不志是故為雖久遠亦不可信又行不善者名不樂樂以行不善故失人天樂不樂樂者愚之甚也又行不善者苦劇可憝現受心悔等苦後則受惡道苦又不善業果飛虛隱晦無得脫處如金槍追佛又一切不善皆由癡起故有智者不應隨也又經中說放逸如怨能害善法故不應隨又不善業諸佛菩薩應真賢聖五通神仙及明罪福者無不可毀故不應造又現見惡心熾盛則情志迷亂惱悶痛苦面色

變異人不惠見况起身口以此等緣故知不善有無量過患

成實論卷第九

西九

恃音藤蔓上音騰氣嘘下音蝮螫上音福下
金翅下音貪饕下音駭語解反怯去劫

成實論卷第十

西十

姚秦三藏鳩摩羅什譯

三業輕重品第一百一十九
三業中何者為重身業耶口業耶意業耶問曰有人言身口業重非意業也所以者何身口業定實故如五逆罪皆因身口所造又身口能成辦事如人發心殺此眾生要以身口能成其事非但意業得殺生罪亦非但發心得起塔寺梵福德也又若無身口但意業者則無果報如人發心我當布施而實不與則無施福又非但隨願事得成辦如人發願為大施會而實不與則無會福若心業大者應

得施福然則業報錯亂又毗尼中無意犯罪若意業大何故不犯又若發心便得福者福則易得行者何故捨此易業而為施等難行業耶又若然者則福無盡如人但空發心竟無所用何所盡耶以財物有量故福可盡又不但發心能損益他如飢渴衆生要須飲食非心業所除又世間人衰利太甚以心輕躁難制伏故無惡不起則已又重衰若發善心欲造福業則已獲大利是過則甚又若意業大發心欲殺生則墮地獄如是雖久集戒等復何所益又行持戒等諸善功德無有安隱所以者何但一發心便得罪故又經中說身

口業鹿故先斷斷鹿煩惱故得心定又若發媠心則為媠已便應犯戒若發心不名媠者離此媠心更有何法名為媠耶又所起作業皆由身口不以意業如欺他人必由口業得妄語罪又如先說四種因緣得殺生罪謂有衆生有衆生想有欲殺心斷其命以四事成

罪當知不以意業為重又如佛言若小兒從生習慈能起惡業思惡業耶故知但是身口發惡非意業也答曰汝言身口業重非意業者是事不然所以者何經中佛說心為法本心尊心使心念善惡即言即行故知意業為重又意差別故身口業有差別如上中下等離心無身口業又經中說故起作業必應受報又說七種淨福三種但用意業此七淨福於財福為勝又慈是意業經說慈心得大果報如經說我昔七歲修集慈故於七大劫不還此間故知意業為重則能遍覆一切世界又意業為重如意業報故壽八萬大劫又意業

西十

二

勢力勝身口業如行善者將命終時生邪見心則墮地獄行不善者死時起正見心則生天上當知意業為大又經中說於諸罪中邪見最重又說若人得世間上正見雖往來生死乃至百千歲終不墮惡道又意業力勝身口業如和利經中說外道神仙起一瞋心即

滅那羅于陀國如檀特等諸嶮難處皆是仙人瞋心所作又意業能即得果報如經中說若是人今死即入地獄即生天上如竄矛離手又如意業積集垢法乃至入阿鼻地獄積集善法乃至泥洹又心有報故身口得報以不故業無果報故有不離意業有身口業報若意依身口行善不善名身口業離身口業意業有報離意業身口無報故知意業爲重非身口業汝雖言身口業定實如五逆罪皆身口所作故名重者是事不然以思重事重故業重非身口重故又以心決定故業則定實如但以心力入正法位亦以心力能具逆罪若無心者雖殺父母亦無逆罪故知身口無力汝言身口能辦事者是亦不然以事訖名辦若奪他命已得殺生罪非起身口業時事訖時要須心力是故非身口也汝言但空發心無果報者是事不然如經中說發強心故即生天上即下入地獄云何言意業無果

西

三

報耶汝言非袒以願能成事者是亦不然有人深發善心勝大會福汝言意無犯罪是亦不然若發惡心即時得罪如佛說有三種罪身口意罪故知但發惡心不得無罪但不結戒以難持故產罪持戒能遮細罪定等能除汝言罪福易者是事不然人以心力薄故捨易爲難如慈心等其福甚多非布施也但以衆生智力劣弱不能行慈等意業故爲施等以雜華香等諸供養具淨心難得故汝言福無盡者亦以此答是人若有智力則能得無盡善法汝言意業無所損益是事不然以身口業皆爲意業所導故不名勝以隨力所起是則爲勝又諸利益皆由行慈心所以者何以行慈力故風雨順時百穀成熟如劫初時粳米自生至十歲人時是事皆無云何言慈心無利益耶又行慈者能盡一切不善業根由不善業有諸衰惱云何言行慈無大利益若一切衆生行慈心者盡生善處一切自然

不須加功故知慈福最為深厚又或時以慈布施利益眾生或但以慈利有行慈者眾生若觸其身若入影中皆得快樂當知慈福勝於施等汝言衰利太甚是先已答謂以意力損益眾生故知意業為重汝言久集戒等無所益者是亦不然所以者何意淨故則持戒淨若意不淨戒亦不淨如此七種姪經中說又戒清淨得大果報如經說持戒者所願隨意謂戒淨故又若淨持戒得安隱心非餘法也汝言身口業麤故先斷是事不然以微細善得大果報如禪定中思汝言若發姪心便應犯戒是事不然若人意業不淨則戒亦不淨又得罪福異結戒法異汝言所起作業由身口者皆以摠答謂身口業法異意業法異身口業要由作者成如以四因緣成殺生罪不離心業又世間眾生謂身口業惡意業不亦又意業不加於人亦不可得有又先說罪福相以是相故但意業重非身口也

西平

四

明業因品第一百二十
論者言已略說諸業業是受身因緣身為苦性故應滅之欲滅此身當斷其業以因滅果亦滅故如因形有影形滅則影滅是故若欲滅苦當勤精進斷此業因問曰從業受身是事應明所以者何或有人言身從婆羅伽提生有言從自在天生或言從大人生或言從自然生是故應說因緣云何知從業生耶答曰是事已種種因緣破當知從業受身又万物有種種雜類當知因亦差別如見粟麥等異知種不同自在天等無差別故當知非因業有無量差別故受種種身又諸善人皆信因業受身所以者何是人常行施戒忍等善法離殺生等諸不善法故知從業受身又若因業受身是則可返得真智故邪智則斷邪智斷故貪恚等諸煩惱斷諸煩惱斷故能起後身業亦斷是則可返自在等因中則不可返以自在等不可斷故故知從業受身又現

見果與因相似如從麥生麥從稻生稻如是從不善業得不愛報從善業得愛報自在等因中無此相似是故業為身本非自在等又今現見万物皆從業生以惡業故受打捕繫閉鞭杖死等諸苦善業因緣受名聞利養等樂隨意愛語者得隨意受報故知從業受身

西

五

非自在等又世間人自知万物從業因生故起稼穡等業亦為施戒忍等諸福德業無有閑坐而從自在望所欲者故知從業得報又若人雖說因自在等而猶依諸業謂自苦身及受齋等故知以業為因又若事不現應隨他教謂聖人所行一切賢聖皆依戒等善法如從業因有世間故若離戒等亦無聖人無有聖教違背業者故知從業受身又行戒等諸善業故能成神通變化等事故知以業為因又地獄等諸惡趣中瞋惱等多故知由瞋惱等有諸惡道如樹上見菓知樹是因故知業為身本又惡道中癡等力強當知煩惱是

惡道因一切不善皆由癡故又生諸惡道多生善處少眼見殺等惡行者多行善者少故知殺等事是惡道因又殺等事善人所呵棄而不為

善人必知殺等有惡果故呵棄不為若知無惡果何故棄耶又諸善人心若起惡即勤制止以懼惡報故當知殺等必有惡報若不尔者應隨意所作是最為樂則殺可食眾生棄他財物若姪他妻是亦為樂以懼來世苦故遠離斯事故知從業有身又修習正智盡有漏業則不受身故知業是其本又阿羅漢雖有諸有漏業修正智故業則不集故知業為身因身因滅故身亦滅又知四諦故依諸煩惱永不復起以不起故則無有身智者如是思惟則欲知四諦故知業為身因又若因緣不具則不受身如地乾種焦則一切芽不生如是識處地無愛水潤業種為真智所焦後身芽則不生智者知是事故欲乾識處地焦

種子則勤加精進故知業是受身因緣集論竟
集諦聚中煩惱論初煩惱相品第一百二十一

論者言已說諸業諸煩惱今當說垢心行名
為煩惱問曰何謂為垢答曰若心能令生死
相續是名為垢心此垢心差別為貪恚癡等
是垢心名為煩惱亦名罪法亦名退法亦名
西平

隱設法亦名熱法亦名悔法有如是等名是
垢心修集則名為使非但垢心生時名使煩
惱名貪恚癡疑憍慢及五見此等差別故有
九十八使貪名喜樂三有亦喜樂無有是名
為貪如經中說欲愛有愛無有愛無有名斷
滅眾生為苦所逼欲斷陰身以無為樂問曰

喜樂是受相非貪相也如經中說今喜後喜
義言今世受樂後亦受樂又說今憂後憂義
言今世受苦後亦受苦又如天問中言有子
則喜佛答有子則憂如是等答曰貪為喜分
如經中說受因緣愛樂受中貪使搏食中有
喜有貪喜盡故貪盡當知貪為喜分是則無

答何以知之如經中說集諦者謂渴是也何
謂為渴謂欲得後身是渴何相謂依止貪欲
得種種問曰若說欲得後身是渴相者何故
復說依止於貪欲得種種答曰更有渴相若
言欲得種種是摠相說欲得後身是別相說
離欲人亦有欲得種種渴謂欲得水等是非

集諦所攝若依止貪欲得後身是渴名集諦
所攝問曰若渴亦是喜貪亦是喜何故說依
止貪耶答曰初生名渴增長名貪故言依止
如經中說喜繫世間是故喜即是貪又經中
說除滅貪憂諸不善法是中貪即是喜憂即
是瞋如說瞋為憂則知亦說喜為貪是故十
西平

八意行中不說煩惱但說諸受故知喜分是
貪又凡夫離貪不能受樂離瞋不能受苦離
癡不能受不苦不樂何以知之第三受中說
凡夫人於此受中不知集不知滅不知味不
知過不知出故於不苦不樂受中無明使使
是凡夫人常不知此五種法故常於不苦不

樂受中為無明使使無明使者即是不知性受行也如是凡夫苦樂心行亦即是貪恚又若初來在心名受增長明了名為煩惱又下輒心名受即此心增上名曰煩惱

貪相品第一百二十二

論者言是貪九結中通三界繫名為愛於七使中分為二種欲貪有貪所以者何有人於上二界生解脫想是故佛說是處名有有名為生若無貪則不生是故別說有貪非但欲貪或謂但欲貪是名煩惱盡欲貪名得解脫故佛說禪無色中亦有有貪佛示彼中有微細縛是故別說是貪於十不善道及四縛中

名為貪欲貪欲名欲得他物於五蓋及五下分結中名為欲欲欲欲名欲欲於五欲三不善根中名為貪不善根貪不善根名能生長諸不善法是貪若非法行名為惡貪如劫盜他物乃至取塔寺及眾僧物若未死眾生欲食其肉若欲姪母女姊妹師婦出家人及已

婦非道是名惡貪若已物不欲捨是名為慳慳即是貪若實無功德欲令人謂有是名惡欲若實有功德欲令人知是名發欲若得多施多物是名多欲若得少施少物求好無厭名不知足若深著種姓家屬名色財富少壯壽等名為憍逸若貪四供養名為四愛又是

貪二種一欲貪二具貪又有二種一我貪二我所貪一緣內二緣外上二界貪一向緣內又有五種一色貪二形貪三觸貪四威儀語言貪五一切貪又色聲香味觸貪名五欲貪又於六觸生愛名六塵貪又於三受中貪樂受中有欲得貪有守護貪若受中有不欲得

貪有欲失貪不苦不樂受中有癡貪又此貪有九分如大因經中說因愛求隨所欲事如人為此事所苦則求異事如說樂者不求苦者多求是貪增長名求求時若得名為得愛因得則籌量是可取是不可取若心決定是名因籌量故欲愛因欲愛故貪者貪著名深

愛貪著因緣取取名爲受因受生慳因慳守護因守護故備受鞭杖刀稍等是名九分又有九分是貪隨時故有下中上上下下中下上中下中中中上上下上中上上又此貪世間分爲十種如見好色初發心言是次生欲三發願四念五隨學所作六忘慙愧七常在

目前八放逸九狂癡十悶死是名貪相
貪因品第一百二十三

問曰是貪云何生答曰若於女色等緣中生邪憶念若色若形若觸若威儀語言則貪欲生又若不守護眼耳等門則貪欲生又於飲食不知節量則貪欲生又親近女色則貪欲生又受諸樂則貪欲生又以愚癡故貪欲生於不淨中生淨想故又由惡知識故貪欲生如淨潔衣以裹垢污又與多欲人共同事故則貪欲生又於身等四法生妄憶念則爲貪所牽如圓瓶無制如華無貫又若懈怠不勤修善則貪欲得便又於非行處行則爲貪所

西十

九

侵謂姪女沽酒屠兒舍等如鷹鷄喻又觀不淨等未能壞緣則貪欲得勢又從久遠來常習貪欲故成貪使是則易生又於女色等緣喜取相取了取相名手足面目語言戲笑視瞻啼泣等相取了名分別男女形狀差別如是取已憶念分別則貪欲生又思量心弱隨逐所緣不能制伏則貪欲生又若生貪欲忍受不捨則漸增長從下生中從中生上又於貪欲中但見利味不知其過則貪欲生又以時節故貪欲生如春時等又以方處故貪欲生如有處所從久遠來多習姪欲又有隨身故貪欲生如年少無病資生具足又以力能故貪欲生如服藥等又若得淨妙隨意五欲則貪欲生謂見好華池園林敷榮清冷流泉鮮雲電光香風來扇若聞衆鳥哀聲相和及女人柔輒莊嚴音聲威儀語言等又以業因緣故貪欲生如清淨施者則能好喜淨妙五欲罪人則好不淨又以隨類故貪欲生如人

欲人又深著假名則貪欲生是人於內生士夫相外生女相及衣服怨親等相又未得定心內見衆生外見色等則貪欲生又若貪使未盡愛緣現前於中生邪憶念如是等因緣則貪欲生
貪過品第一百二十四

問曰貪欲有何等過故欲斷耶答曰貪欲實苦凡夫顛倒妄生樂想智者見苦見苦則斷又受欲無厭如飲鹹水隨增其渴以增渴故何得有樂又受欲故諸惡并集以刀仗等皆由欲故又經中說貪罪輕而難捨於瞋恚故名爲輕罪其實是重又貪爲後身因緣如說愛因緣取乃至大苦聚集又說苦因爲愛又說比丘應當思惟所有諸苦何由而有當知皆以身爲因緣身因於愛又說搏食中有喜有貪是故識於中生當知愛爲受身因緣又是貪常於不淨中行如女人等是女人身心不淨如糞塗毒蛇能螫能汚又此貪欲常癡

十

十

中行如經中說譬如狗齧血塗枯骨涎唾合故想謂爲美食貪者亦介於無味欲中邪倒力故謂爲受味又如段肉等七種譬喻有人或於去來事而生貪欲故知常癡中行有衆生以貪欲因緣樂少苦多所以者何如富貴處少散壞時多又愛欲者爲樂因故備受諸苦謂求時苦守護時苦用時亦苦如稼穡商賈征伐仕進等是求時苦守時恐怖畏失故苦現在無厭故苦又歡愛貪少別離苦多故知欲爲多過又如佛說愛欲有五種患一或少過多二諸結熾盛三至死無厭四聖所呵棄五無惡不造又此貪欲常令衆生順生死流遠離泥洹有如是等無量過患當知欲爲多過又諸煩惱生皆因於貪如貪身故起諸煩惱又愛使不拔則數數受苦如毒樹不伐則常害人又貪能令衆生荷負重擔又經中說貪愛爲繫如黑白牛自不相繫但以繩繫如是眼不繫色色不繫眼貪欲於中繫若緣

是繫則無得解脫又經中說眾生為無明所蓋覆愛結所繫往來生死無有本際又經中說貪斷故色斷乃至識斷此貪以無常等觀故斷斷此貪欲則心得解脫色貪斷則無色無色則苦滅乃至識亦如是故知貪欲為堅固縛又貪欲如賊而眾生不見其惡又貪欲

平

土

常於輕美門中行故名深惡又眾生心喜起貪欲乃至蚊蟻皆於飲食婬欲中起又此貪欲種種因緣能縛人心謂父母兄弟姊妹妻息及財物等又眾生以飲食婬欲等貪欲覆心則能受生若貪禪定則生上界又此貪欲能為和合一切世間所樂各異貪故和合猶如乾沙得水相著又生死中以貪愛為味如說色中味著謂因色生若喜若樂若不貪則不味不味則能速斷生死又此貪欲與解脫相違所以者何眾生皆以貪著欲樂禪定樂故不樂解脫又隨斷貪分即變為樂如說隨所離欲轉得深樂又說若欲得諸樂當捨一

切欲樂捨一切欲故得畢竟常樂若欲得大樂當捨離少樂捨離少樂故能得無量樂又說智者更無別利如離貪愛心隨心離貪愛則滅諸苦惱又此貪欲為害善法所以者何深貪著者則不顧戒及種性教法威儀名聞不受教化不見衰患不觀罪福如狂如醉不知好醜亦如盲人不見福利如說貪欲不見利貪欲不識法猶如盲闇無知以不除貪故又說貪欲為大海無邊亦無底波浪漩復深惡虫及羅刹如是諸嶮難無人能渡者但住淨戒船得正見風力佛為大船師能示諸正道如所說修行是者則能渡又諸煩惱中無有想分別味如貪欲者又此貪欲最為難斷如經中說二願難斷一得二壽問曰貪欲有如是過云何當知貪欲者相答曰多貪欲者喜樂女色及華香瓔珞伎樂歌舞到婬女家飲食聚會喜大眾集及諸戲具喜隨愛語心常歡喜面色和澤先意問訊含笑語言難忿

易悅多憐愍心身體便疾性多躁動自深著身如是等名多貪欲相是相皆與繫性相順是故難斷又一切貪欲究竟皆苦所以者何所貪愛事必當離散離散因緣必有憂苦如說天人皆樂色貪色喜色著色是色壞時憂悲心悔受想行識亦如是又佛於處處經中

平

十二

說種種喻呵此貪欲謂能害慧命故說為毒在心即苦故名為刺能斷善根故名為刀能燒身心故名為火能生諸苦故名為怨從心中生故名為內賊以難拔故名為深根能汚名聞故名淤泥障善道故名曰妨礙內疼惱故名箭入心起諸惡故名不善根注生死海故名為河劫盜善財故名為賊貪欲有如是等無量過患是故應斷

斷貪品第一百二十五

問曰貪欲有如是過當云何斷答曰以不淨觀等遮無常觀等斷問曰有人覺無常故更增貪欲此事云何答曰若人能知一切無常

則無貪欲如經中說善修無常想故則能破壞一切貪有貪色無色貪一切戲調憍慢無明又若人能見世間皆苦苦因緣貪此貪則斷又若人常念我必應受生老病死是則貪斷又若得淨樂則捨不淨樂如得初禪則捨欲愛又見貪欲過是則能斷過如先說又多

聞等慧增長故能斷貪欲以智慧性破煩惱故又善緣具足則貪欲斷謂淨持戒等十一定具後道諦中當說又色智等法智等諸方便佛為大醫諸同學為給使正法為藥自如說行為將息則貪欲病斷如有知病人三事具足病則時愈問曰如經中說以不淨除貪

西

十三

汝何故說不淨等及無常等耶答曰一切佛法皆為破諸煩惱然各有勝力初以不淨遮貪後以無常智斷又以不淨除鹿貪欲是多人所知貪使細故以無常斷又但一經中作如是說諸經中亦說餘法能斷如是因緣則貪欲斷

瞋恚品第一百二十六

論者言瞋恚相者若瞋此人欲令失滅願使他人打縛殺害一向棄捨永不欲見是瞋名波羅提伽義言重瞋有瞋但欲毀罵鞭打他人名違欣婆義言中瞋有瞋不欲捨離或從憎愛妻子中生名拘盧陀義言下瞋有瞋常染汚心名為摩又義言不報恨有瞋在心不捨惡欲還報名憂婆那呵義言報恨有瞋急執一事種種教誨終不欲捨如師子渡河取彼岸相至死不轉名波羅陀含義言專執有瞋見他得利心生嫉妬名為伊沙有瞋常喜諍訟心口剛強名三藍披義言忿諍有瞋若師長教戒而返拒逆名頭和遮義言很矣有瞋若得少許不適意事則心惱亂名阿羴提義言不忍有瞋言不柔輒常喜煩覺不能和顏先意語言名阿婆詰略義言不悅有瞋於同止中常喜罵詈名阿搔羅治義言不調有瞋以身口意觸惱同學名為勝耆義言惱觸

有瞋常喜彈呵好些毀物名登單那陀義言難可是瞋二種或因眾生或不因眾生因眾生生名為重罪又上中下分別九品又因九惱分別為九無事橫瞋是為第十是名瞋相問曰瞋云何生答曰從不適意苦惱事生又不能正知苦受性故則瞋恚生或從呵罵鞭杖等生或與惡人同事則瞋恚生如屠獵師等或智力劣弱故瞋恚生如樹枝條為風所動或久集瞋使乃至成性故瞋恚生或從屠獵毒蛇中來故瞋恚生或喜念他過故瞋恚生如九惱中說或隨時節故瞋恚生如十歲人等或以種類故瞋恚生如毒蛇等或以方

西平

七

處故瞋恚生如康衢國等又先說貪生因緣與此相違則瞋恚生又計我心憍慢熾盛及深著物如是等緣則瞋恚生問曰是瞋有何等過答曰經中說瞋為重罪於貪欲故名為易解而實難解但不如貪又隨逐心又瞋為兩惱先自燒惱而後燒人又瞋定為地獄以

從瞋起業多墮地獄故又瞋能壞善福謂施戒忍是三皆從慈心等生瞋與慈相違故名能壞又從瞋起業皆受惡名又從瞋起業後皆心悔又瞋恨者無憐愍故名曰凶暴衆生常苦而復瞋惱如瘡加火又經中自說瞋過謂多瞋者形色醜陋臥覺不安心常怖畏人所不信等問曰多瞋恚者有何等相荅曰心口剛強常不歡悅頻蹙難近面色不和易忿難解常喜恚恨喜於譁訟嚴飾兵器朋黨惡友又憎惡善人爲人鹿獮不諦思慮少於慙愧有如是等名瞋恚相是相皆爲憎惡他人是故應斷問曰當云何斷荅曰常修慈悲喜捨瞋恚則斷又見瞋過患是則能斷又得真智瞋恚則斷又以忍力故瞋恚則斷問曰何謂忍力荅曰若能忍他呵罵等苦是人得善法福亦不得從不忍生惡是忍辱力又行忍者名爲沙門以忍辱爲道初門故沙門法者怒不報怒罵不報罵打不報打又若比丘能

西十

十五

忍則應出家法又瞋恚者非出家人法出家人法忍辱是也又若比丘形服異俗而瞋恚心同則非所宜又若行忍者則爲已具慈悲功德又修忍者能成自利所以者何爲瞋恚者欲惱害人而返自害所有身口加惡於人自所得惡過百千倍故知瞋爲大自損滅是故智者欲令自利得免大苦及大罪者應當行忍問曰云何能忍呵罵等苦荅曰若人善修無常了達諸法念念生滅罵者受者皆念念滅是中何處應生瞋耶又善修空心故能忍辱作如是念諸法實空誰是罵者誰受是罵者又事若實則應忍受我實有過前人實語何故瞋耶若事不實彼人自當得妄語罪我何故瞋又若聞惡罵當作是念一切世間皆隨業受報我昔必當集此罵業今應償之何故瞋耶又若聞惡罵當自觀其過由我受身身爲苦器故應受罵又行忍者作如是念万物皆從衆因緣生是惡罵業從耳識意識

音聲等生我於此中自有二分他人唯有音聲是則我罪分多何故瞋耶又我於此聲取相分別故生憂惱即是我咎又忍辱者不咎他人所以者何是瞋等罪過非衆生咎衆生心病發故不得自在如治鬼師治鬼著者但瞋於鬼不瞋病人又是人勤行精進貪集善法故不計他語又念諸佛及衆賢聖尚不免罵如巧罵婆羅門等種種罵佛如舍利弗等為婆羅門加諸毀辱何況於我薄福人耶又作此念世間多惡不奪我命已為大幸況打罵耶又作是念此惡罵等於我無苦易可忍受如佛教比丘若鐵鋸解身尚應忍受何況罵耶又此行者常厭生死若得毀罵則證驗明了轉增厭離捨惡行善又是人知不忍辱後受苦報作如是念寧受輕罵勿墮地獄又是人深懷慙愧我為大人世尊弟子修行道者云何當起所不應作身口業耶又聞行忍菩薩及帝釋等所得忍力是故應忍

西十

十六

無明品第一百二十七

論者言隨逐假名名為無明如說凡夫隨我音聲是中實無我無我所但諸法和合假名為人凡夫不能分別故生我心我心生即是無明問曰經中佛說不知過去世等名為無明何故但說我心是耶答曰是過去等中多人錯謬故說是中不知名為無明又經中解明名義謂有所知故名為明知何等法謂色陰無常如實知無常受想行識陰無常如實知無常與明相違名為無明然則不明如實故名無明問曰若不明如實名無明者木石等法應名無明以不明如實故答曰不然木石無心不能分別過去世等無明能分別故不同木石問曰無明名無法如人目不見色無不見法是故但明無故名為無明無別法也答曰不然若無無明於五陰中妄計有人及瓦石中生金想者名為何等故知邪分別性名為無明非明無故名無明也又從無明

因緣有諸行等相續生若無法者云何能生
問曰若非明名無明者今但除明一切諸法
盡是無明是故不以一法名為無明答曰是
無明自相中說不說餘法如言不善即說不
善體不說無記無明亦尔又雖稟人形無人
行故說名非人如是此明雖有分別不能實

西十

十七

知故說無明木石不尔問曰若說無色無對
無漏無為皆是餘說無明何故不如是耶答
曰或有此理不善等中則不如是問曰有人
言但以明無故名無明如實無光明則名為
闇答曰世間有二種語或明無故說名無明
或邪明故說名無明明無故說無明者如世
間言盲不見色聾不聞聲邪明故說無明者
如夜見杙樹生人想見人生杙樹想又若人
不能實知是事故名不知又邪心名煩惱是
諸行因緣阿羅漢斷故無有無明因緣諸行
若非明名無明者今阿羅漢無佛法中明應
名無明若有無明非阿羅漢當知別有無明

體性邪心是也是無明分為一切煩惱所以
者何一切煩惱皆邪行故又一切煩惱覆蔽
人心皆為盲冥如說貪欲不見法貪欲不見
福能受此貪者皆名盲冥恚癡亦如是又從
一切煩惱生諸行而經中說從無明生行故
知一切煩惱皆名無明又不見空者常有無
明但垢無明是諸行因緣又邪明故說無明
未見空者常是邪明故知無明分為一切煩
惱問曰無明云何生答曰若聞思邪因則無
明生如有陀羅驃有有分者有精神諸法不
念念滅無有後身音聲及神是常草木等有
心故成如是等邪執則無明生或從邪因故
無明生謂親近惡友聽聞邪法邪念邪行是
四邪因故無明生又生餘煩惱因緣皆是生
無明因又從無明因故無明生如從麥生麥
從稻生稻如是隨計眾生則無明生又經中
說從邪念因緣則無明生邪念即是無明別
名謂見有人心先生人念後明了故名為無

明是二先後相助相生如從樹生果從果生
 樹問曰無明有何等過答曰一切衰惱皆由
 無明所以者何從無明生貪等煩惱從貪等
 煩惱起不善業從業受身受身因緣得種種
 衰惱如經中說無明所覆愛結所繫受諸有
 身又師子吼經中說諸取皆以無明為本有

單

十八

偈說所有諸惡處若今世若後世皆無明為
 本故從貪欲起一切煩惱過皆由無明有以
 從無明生一切煩惱故又凡夫以無明故受
 此五陰不淨無常苦空無我何有智者受此
 諸苦又正思惟故能捨五陰如經中說若知
 我心是邪顛倒則不復生故知以無明因緣
 故縛明因緣故解又世間眾生以無明力故
 貪求少味不見多過如蛾投火如魚吞鈎眾
 生亦亦現貪少味不顧多過又外道經典所
 生邪見說無罪福等皆是無明又諸惡道皆
 因不善不善皆是無明又邪見起業多墮地
 獄邪見皆由無明故生又佛為世尊一切智

人三界大師真淨行者及聖弟子等諸外道
 輩不能別知如真寶珠盲者棄之此皆無明
 過也又一切眾生所有衰惱敗壞等事皆由
 無明一切利益成就增長皆由於明若增長
 無明究竟必墮阿鼻地獄如劫初人不知味
 是虛妄而生貪著故失色力壽命等事當知
 皆由無明忘失諸利又此無明但真智斷貪
 等不亦又貪心中無恚恚心中無貪無明在
 一切心中及不修慧人無明常在心中又諸
 煩惱中無明最強如經中說無明罪重亦難
 除解又無明是十二因緣根本若無無明則
 諸業不集不成何以知之諸阿羅漢無眾生

西平

十九

相無無明故諸業不能集成業不集故識等
 諸分不能復生故知無明是諸苦根本又現
 見貪著此不淨身亦於無常中生常想猶如
 空拳以誑小兒亦如幻師能現前誑人今見
 土為金又俗言愚人現以罪加而可以言誑
 世間亦亦眼見不淨而為其所誑又諸心法

念念盡滅取相故生色滅盡已癡故取相於聲等中亦復如是是故難解此皆無明之過問曰多無明人有何等相答曰是人於畏處不畏喜處不喜憎惡善人愛樂惡人倒取人意常喜返戾堅執邪事少於慙愧不雜嫌疑不能悅彼亦自難悅不能親附亦難親近愚駭無識好弊垢衣樂處黑闇及不淨處自大自貴喜輕憊人不以道理自顯功德過不知過利不識利不好淨潔亦無威儀拙於語言常喜恚恨僻取他教而深貪著學誦難得既得易失設有不能解義設有所解則復邪僻如是等相皆由無明故知無明有無量過是故應斷問曰當云何斷答曰善修真智則無明斷問曰知陰界等亦名真智經中何故說無明藥者若因緣若因緣觀答曰諸外道輩多於因物中謬因中謬故說自在天等為世間因物中謬故說有陀羅驃有有分等觀因緣法此二則斷問曰因緣名無明藥何

故二種說耶答曰欲攝餘智故若觀陰界入等亦破無明但重無明名邪見邪見以因緣斷故二種說貪恚亦如是又世間多於瓶等名字中謬如聞瓶名則心生疑為色等是瓶為離色等更有瓶耶如是為五陰是人為離五陰更有人耶若心決定則墮二邊所謂斷常身即是神身異神異亦如是若人知瓶從眾緣生因色香味觸成如是色等諸陰為人能如是知則能捨離從名生癡是名字能覆諸法實義如天問經說名勝一切法更無能過者是名字一切諸法皆隨又說見世間集則滅無見見世間滅則滅有見又說諸行相西
二十
續故說五陰生死此皆無明過患觀因緣則滅又經中說若人見因緣是人即見法若見法即見佛如是若人能斷從名生癡是人則實見佛不隨他教是故以正智故則無明盡正知因緣法故能得正智又略說八万四千法藏中所有智慧皆除無明以無明是一切

煩惱根本亦助一切煩惱故如是因緣則無明斷

憍慢品第一百二十八

問曰已說三煩惱是生死根本為更有不答曰有名為慢問曰云何為慢答曰以邪心自高名慢是慢多種若於卑自高名慢於等計

等亦名為慢以此中有取相我心過故於等自高名為大慢於勝自高是名慢慢於五陰中取我相名為我慢我慢二種示相不示相示相是凡夫我慢謂見色是我見有色是我見我中色見色中我乃至識亦如是示是二十分故名示相不示相是學人我慢如長老

差摩伽說不說色是我不說受想行識是我但五陰中有我慢我欲我使未斷未盡是名我慢若未得須陀洹等諸果功德自謂為得名增上慢問曰若未得何故生得心耶答曰於習禪中得少味故能遮結使不行於心中故生此慢又聞思慧力常近善師樂遠離行

西平

廿一

少知五陰相故生須陀洹等果想名增上慢問曰增上慢有何等答曰後當憂惱如經中說若比丘言我斷疑得道即應現前說甚深因緣出世間法若是比丘實不得道聞是法時則生悔惱故應勤斷此增上慢又增上慢人諸佛世尊有大慈悲猶尚捨遠不為說法是故應斷又增上慢人住邪見法故無實功德猶如賈客深入大海而貪偽珠是人亦入佛法海得少禪悅謂為真道而生貪著又增上慢人後老死時不任受道故當勤求真實智慧又增上慢人自失已利亦增益愚癡以實未得想謂得故是故不應自誑其身當速棄捨若於大勝人謂少不如名不如慢是人自高亦自下身若人無德自高名為邪慢又以惡法自高亦名邪慢若於善人及所尊中不肯禮敬名為傲慢如是等名為憍慢相問曰慢云何生答曰不知諸陰實相則憍慢生如經中說若人以無常色自念是上是

中是下是人正以不知如實相故乃至識亦如是若知陰相則無憍慢有善修身念則無憍慢如牛恃角則為暴慢若去其角則不能也身為不淨九孔流惡何有智者恃此自高以如是等念身因緣則無憍慢又智者知一切眾生若貧若富若貴若賤皆以骨肉筋脉

五藏糞穢合而成身俱有生老病死憂悲苦惱亦有貪恚等諸煩惱罪福等諸業及地獄等諸惡道分云何當起憍慢又見內外心從因緣生皆念念滅則無憍慢又善修定心則無憍慢所以者何隨逐相故則憍慢生若無相者何處起慢又智慧者若實有戒等功德則不生慢所以者何戒等功德皆為盡此諸煩惱故若無功德何有智者於無事中而起憍慢又觀無常等相則滅憍慢何有智者以無常苦不淨之物而為憍慢問曰憍慢有何等過荅曰從慢有身從身生一切苦如經中佛說若我弟子不能如實知憍慢相者我與

西十

九二

受記當生某處以有餘慢不斷故又一切煩惱皆隨取相我是相中之大故知從慢有身又此憍慢即是癡分所以者何以眼見色謂我能見又此憍慢生不以道理所以者何一切世間皆無常苦無我云何以此而生憍慢是故於貪恚癡最無道理又從慢起業亦利

亦重以貪著深故從貪起業不能如是又憍慢力故貪等熾盛即此貪得種姓等慢則增長熾盛又我慢因緣生卑賤家亦於師子虎狼中生從此因緣則墮地獄憍慢有如是等無量過咎問曰云何名多憍慢相荅曰是人所執堅固難可與語無恭敬心少於怖畏喜自在行自大難教所有薄少自以為多喜輕憊人此過難除故有智者所不應行此慢為破一切功德故生疑品第一百二十九論者言疑名於實法中心不決定謂有解脫耶無解脫耶有善不善耶無耶有三寶耶無

耶是名為疑問曰若於樹板生疑板耶人耶
 於土塊生疑塊耶鵠耶於蜂生疑蜂耶閻浮
 菓耶於蛇生疑蛇耶繩耶於野馬生疑光耶
 水耶如是等疑因眼識生於聲生疑孔雀聲
 耶為人作耶於香生疑優鉢香耶為和香耶
 於味生疑為肉味耶似肉味耶於觸生疑為

西十

二十三

生繒耶為熟繒耶意識則種種生疑如疑是
 法有陀羅驃耶但求那耶有神耶無神耶如
 是等是疑不耶答曰若板人等中疑則非煩
 惱此不能為後身因緣以漏盡人亦起此故
 問曰是疑云何生答曰若見聞知二種法故
 疑生所以者何先見二種立物一板二人於
 後遙見與人等物則生疑板耶人耶土等亦
 亦二種聞者若聞說有罪福後世亦聞說無
 是故生疑二種知者如天大雨而溝渠漫溢
 若堰水時渠亦漫溢如天欲雨蟻子運卵若
 人發掘亦移卵去如孔雀鳴人亦能作實事
 可見如瓶不實事亦可見如旋火輪實事不

可見如樹根地下水非實事亦不可見如第
 二頭第三手如是等二種見聞知法故生疑
 又不審見故疑生如遠等八因緣又二信故
 疑生如有人言有後世有人言無俱信二人
 是故疑生又於此可疑事中乃至不見異相
 是故疑生若見異相此疑則無

問曰云何名見異相答曰見聞知決定故則
 無有疑於佛法中隨以身證法實相時畢竟
 無疑如菩薩坐道場時說精進婆羅門得深
 法現前見知諸緣盡疑網即斷滅又若得有
 道理慧此疑則斷如智者聞行因緣識即決
 定知生死無始如是等

問曰疑有何過答曰若多疑者一切世間出
 世間事皆不能成所以者何疑人不能起發
 事業若發則劣故不能成又經中說疑是心
 之栽拏猶如荒田多栽拏故異草尚不得生
 況稻穀等心亦如是為疑根所壞於邪事中
 尚不能定況能正定又佛說疑名闍聚闍聚

三種過去闇聚未來闇聚現在闇聚此闇聚是諸我見生處又此人設得定心則是邪定若離佛法則無能為說正定者又多衆生懷疑至死如說阿吒伽羅等五通仙人亦抱疑而死又此疑者若為施等福德或無果報或少得報所以者何是諸福業皆從心起是人

九四末

心常為疑所濁故無善福又經中說疑心布施於邊地受報所以者何是多疑者不能一心隨時手與不能種種生恭敬心故於邊地受少果報如波耶綏等小王
問曰無此疑也所以者何疑名心數法諸心數法念念生滅若是非疑若非亦非疑一心

不得有是有非故知無也

答曰我不說念念中有疑不決定心相續名疑亦時心不決了是杭是人相續心以不信故濁亦以邪見故不信疑時或有或無是不信二種一從疑生二從邪見生從疑生則輕從邪見生則重信亦二種一從正見生二

從聞生從正見生則信堅固從聞生者不能如是

成實論卷第十

西十

窟矛上鹿筭反應法師作稼穡上音稼搏食
上音刀稍下音鷹下音鷄下音和下音聲去聲螿呼各反

成實論卷第十一

第十卷

二一

訶梨跋摩造 姚秦三藏鳩摩羅什譯

身見品第一百三十

五陰中我心名為身見實無我故說緣五陰五陰名身於中生見名為身見於無我中而取我相故名為見問曰於五陰中作我名字陳用

有何咎耶如瓶等物各自有相是中無過我亦如是又若說離陰有我是應有咎答曰雖不離陰說我是亦有過所以者何諸外道輩說我是常以今世起業後受報故若如是說五陰應即是常又說我者以我為一然則五陰即應是一是名為過又我即是過所以者